


滿洲名臣傳

甲八下

庫文閣內			
三八	一六〇	二三〇	漢
函	冊	號	書
架		類	


庫文閣內			
五	三		漢
內閣文庫			
番號	漢	230	
冊數	160	(96)	
函號	290	43	



© Kodak, 2007 TM: Kodak







詔如所請行六月調陝西巡撫十一月復調  
 廣東巡撫先是鹽運使王概署根道淨收兵  
 米折銀萬餘兩入已各埠虛餉銀檄運向保  
 成往查概向保成跪求保全總督蔣昌明山  
 兄也未行叅劾明山莅任奏請革任  
 諭曰此奏可嘉之至蔣昌竟為所愚而汝不  
 為顧弟兄私情即行叅奏不負朕任用之恩  
 矣勉之概尋擬罪如律  
 三十二年閏二月調  
 江西巡撫暫留署兩廣總督六月奏言崖州

兩廣總督

完



僻處海島產穀素少額貯穀五千三百七十  
八石有奇額外穀一千一百七十四石有奇  
連年碾放兵米所存無幾查高州府電白縣  
有溢額穀七千餘石與崖州連近請撥運五  
千石與崖州額貯穀額外穀共一萬一千五  
百五十二石餘爲定額歸善縣額貯穀十一  
萬餘石爲數甚多上年平糶尙有應買補穀  
價請截六千一百七十四石二斗六升價銀  
批解充餉卽以抵崖州加貯額部議從之

十一年二月調西安巡撫三十三年十二月  
擢陝甘總督三十四年十一月以成縣知縣  
湯尙箴縱役索詐滋事不早糾叅部議革職  
諭曰明山着革職從寬留任十一月以烏什  
換班兵所乘用馬明山不照定例咨新疆大  
臣交原領兵收放遽令入新收項下  
上以所奏取巧交部嚴議部議革任  
詔免之三十六年五月以前調任江西巡撫  
時令首縣修改衙署事發



論曰前據高晉查審知府李枝昌一案內有  
墊用前任巡撫明山修理書房銀兩之事因  
令該督撫秉公確查並令明山明白回奏旋  
據明山覆奏彼時因書房窄狹拆去截板所  
費不過十餘金俱係隨時發價而所需工匠  
不得不令首縣代雇因自請交部議處朕以  
明山所奏如果屬寔尙不致有干吏議而其  
事既係首縣承辦無難徹底根查因交高晉  
一併查明具奏今據高晉奏查明山於廣東

調江西時卽先行札飭中軍傳諭南新兩縣  
修改衙署所費約五百餘金現有印封原札  
可據呈覽與伊回奏所稱無涉等語寔出情  
理之外明山不應如此督撫到任修理衙署  
令首縣代辦亦事所常有但不當以累及屬  
員或卽發價稍遲其罪亦小乃經傳旨詢問  
並不據寔直陳輒敢托詞捏覆希冀朦混封  
疆大臣爲朕所倚任顧可心存欺隱乎且小  
事如此則何事不可爲大事尙足信乎明山



着交部嚴加議處復

諭曰明山現在交部嚴加議處伊係革職留任之員部議自應革任向來督撫遇此等處分或事屬公過或情尚可原每以人材難得酌量加恩仍予留任今明山於覆奏衙署一事敢于欺飾朦混其心已不可信且其近日辦事動輒舛錯頗不如從前之精到亦既屢令軍機大臣嚴飭矣然人材難得尙望其改過自新今竟敢爲欺飾若此豈可復膺封疆

重寄明山着卽解任聽候部議尋議革任三

十七年三月授副都統

命爲烏魯木齊領隊大臣疏言烏魯木齊增駐滿兵三千于城西北建官署兵房出內地撥綠旗兵千五百乘春建造備今秋滿兵移駐但計程綠旗兵四月方到工而滿兵今秋出口卽需住房臣酌撥烏魯木齊差屯兵二百先行工作俟內地兵到接辦修市肆百間收租備



清史各目傳卷四十一  
恩賞暨公用移涼州理事同知駐烏魯木齊  
新城以資彈壓從之四十四年九月卒于海  
寧官至浙江巡撫五十五年十月卒  
諭照總督例給予卹典

賜祭葬諡勤毅

素誠列傳

素誠滿洲正黃旗人姓瓜勒佳氏乾隆元年  
襲其高祖穆禮軍功所給騎都尉十年授直  
隸鞏華城都司十三年調督標左營中軍都

司十四年遷易州營游擊十七年遷山東青  
州叅將二十年遷江南安慶營副將二十一  
年調督標中軍副將二十四年擢貴州安籠  
鎮總兵二十六年

命來京補正藍旗漢軍副都統二十七年  
命赴烏什辦事二十八年八月奏言烏什派  
出伊犁屯田回人二百戶應給口粮牲畜已  
向阿卜都拉籌辦來年二月可抵伊犁  
諭日從前各城伯克頭目等因協助屯田回



人俱加恩賞賚此次派往伊犁回人頗衆該伯克等既照例協助自應一体辦理若每次必候自遵行頗覺煩瑣着傳諭素誠等卽照例分別給賞嗣後有似此協助之舉一面奏聞一面賞給不必仍前候旨十月奏言自阿克蘊往伊犁回人其口糧本須採買今阿奇木伯克阿卜都拉等情願於採辦八百石外再捐麥四百石糜羅和卓願捐麥一百石懇准所請解送

諭曰阿卜都拉等感激朕恩願捐麥自効甚屬可嘉着素誠照例酌量獎賞先是素誠父子及辦事筆帖式姦宿回婦及伯克妻阿奇木伯克阿卜都拉恣意妄爲回人側目至三十年二月因派回人辦送沙壺樹素誠令伊子回京並派回衆負行李小伯克賴黑木圖拉押送而賴黑木圖拉之妻曾經素誠留宿遂煽所派回衆夜焚劫倉庫素誠與阿卜都拉登山拒守殺賊數人見賊勢愈衆素誠自



清洲各臣傳卷四十八  
成阿克樵辦事副都統弁塔哈奏

聞

諭曰大臣等駐劄新疆平日失於撫馭惟偏護內地人等恣意擾害回人及僨事後又復張皇失措爲若輩所輕視卽如辦送沙壘樹事甚微細何必派如許回人以致激成事端其爲辦理不善顯然或素誠及綠旂兵丁平日擾害伊等至不能堪適因此事遂爾舉發亦未可定着明瑞據寔查明具奏伊犁將軍

明瑞奏言素誠平日操累回人伊父子及筆  
成子哈齊等姦淫回人婦女此次辦送沙  
壘樹將伊子行裝多派回人背負派小伯克  
賴黑木圖拉押送而賴黑木圖拉之妻前經  
素誠留宿致挾嫌倡亂

諭曰素誠等俱受朕深恩自爲大臣各駐專  
城辦事及素誠父子在烏什任意將回人科  
派苦累且姦其婦女是烏什之激變皆伊等  
卑鄙無耻庸妄僨事所致寔堪髮指素誠情



罪尤屬可惡雖經自戕不足蔽辜着將家產查抄其子俱革退差使發往伊犁充步甲當差素誠堂弟穆通阿襲世職四十三年病死  
停襲

努三列傳

努三吉林滿洲正黃旗人姓瓜勒佳氏雍正六年由前鋒授藍翎侍衛九年授三等侍衛十三年授二等侍衛乾隆二年  
命在

乾清門行走八年授頭等侍衛十年在

御前行走十一月赴北路軍營時四川

總督慶復勦下瞻對上首班滾三月

命努三赴慶復軍營給治喪銀四百兩尋慶

復奏班滾焚斃十二年接任總督張廣泗奏

班滾現在如耶

命給慶復罪以努三隨同具奏

命銷去議敘加級革退

御前行走著在



乾清門行走十三年九月

命回京請訓再赴京川軍營十四年授廂白  
旂蒙古副都統尋授正藍旂護軍統領十八  
年四月偕湖廣總督永常赴安西籌議防範  
事宜十九年正月留駐鄂爾坤軍營二月準  
噶爾宰桑瑪木特追來降之都爾伯特台吉  
策凌闌入卡倫

上授努三叅贊大臣偕散秩大臣薩喇勒往  
會將軍成衮扎布率兵分路查緝時準噶爾

烏梁海宰桑赤倫居吹地努三偕貝勒壽滾  
雜卜台吉班珠爾分兵往擒赤倫及所屬四  
得木齊雅爾都所屬一得秦家口牲畜至額  
里音淖爾喀喇烏蕪擒扎哈沁噶勒雜特兵  
百五十餘人及爲首之達什敦多卜事

聞下部優敘二十年二月

上以努三及護軍統領烏勒登收服扎哈沁  
未卽擒獲逆犯巴朗諸事退諉交定北將軍  
班第定邊左副將軍阿睦爾撤納審訊並



命叅養大臣策楞協理北路軍務侍郎兆惠  
查明努三等收取牲畜等項有無隱匿一併  
具奏尋班第等奏至

諭曰班第等訊問努三烏勒登供詞一切推  
諉俱卸過於薩喇勒夫薩喇勒歸順未久從  
前收獲烏梁海人衆時卽有搶擄之事以伊  
舊染準夷習俗初到未知法度是以姑從寬  
容若努三烏勒登乃滿洲世僕亦効準夷之  
所爲是尙可寬宥乎且烏勒登收服烏梁海

時未將逃人巴爾報出努三擒獲包沁逃人  
特赫拜哈都里應正法乃並未奏聞請旨俱  
屬舛謬策楞所查努三之事尙未奏到着傳  
諭班第阿睦爾撒納卽將努三烏勒登併案  
嚴審定擬具奏四月

諭曰據班第等審訊努三烏勒登擬以應斬  
監候努三烏勒登收服扎哈沁後並不往擊  
巴朗寔係貽誤軍機罪不可逭但念伊二人  
去歲收服烏梁海扎哈沁時亦曾隨同効力



着加恩免其治罪仍留軍營以閑散効力贖  
罪努三烏勒登俱係滿洲世僕乃在軍營遠  
巡畏蕙此次不卽正法俾全首領皆朕格外  
之恩其由軍營查出馬匹什物及伊二人所  
有家產俱着入官五月授藍翎侍衛在嚮導  
章京上行走二十一年正月授三等侍衛二  
月遷頭等侍衛

命偕左都御史何國宗往伊犁測量度數並  
繪地圖詳見何國宗傳二十二年二月以送

兵赴巴里坤至嘉峪關卽奏請回京得

旨降藍翎侍衛仍留巴里坤聽差遣六月招  
撫巴爾達穆特各鄂拓克人衆

上嘉其奮勉擢二等侍衛七月授頭等侍衛  
先是將軍兆惠追逆賊阿睦爾撒納至哈薩  
克哈薩克克逆拒戰兵敗請降兆惠遣努三  
與哈薩克來使往諭卽留駐其地尋阿逆竄  
死俄羅斯

詔努三仍回軍營二十三年正月撤兵至烏



隆古聞哈薩克錫喇之得木齊達什扎卜等  
匿博羅爾托輝努三偕副都統順德訥勦之  
又生擒盜巴里坤馬之庫魯特宰桑摩羅等  
於拜塔克收服根敦扎卜達什扎卜丁壯二  
百餘  
上嘉之二月授廂藍旗護軍統領四月  
命經理巴里坤等處屯田七月奏言自穆壘  
至烏魯木齊有昌吉羅克倫可耕地十六處  
令屯兵輪種

詔選內地綠營兵七千往屯八月又奏言兩  
處應各駐兵一千五百更番開種  
命如數添派十一月偵勦嗎哈沁於博羅托  
海收其馬匹疏入  
詔賜幣時兆惠被遮黑水二十四年正月努  
三隨定邊左副將軍富德往援至呼爾璊分  
兩翼進擊賊敗遁努三與副都統鄂博什截  
賊去路前至兆惠營告援兵兵至復脩駝馬  
迎兆惠營官兵努三鄂博什爲殿回駐阿克



滿洲各臣傳卷四十六  
蘓專

聞下部議敘

恩給騎都尉世職三月

命赴烏魯木齊經理哈薩克貿易沿途查勘屯田搜捕嗎哈沁賊衆六月奏言烏魯木齊現屯兵一千再留凱旋兵五千在特訥格爾昌吉羅克倫一帶分地墾種明年獲糧卽運供伊犁口糧籽種

上是之九月奏擒嗎哈沁訥克衣等下部議

敘尋

命兼管烏魯木齊屯田事是月奏言博克達山在烏魯木齊之東爲西陲重鎮請令駐劄大臣每年春秋致祭從之二十五年三月凱旋

上御豐澤圍幄次宴賚將軍兆惠富德等及隨往將士

賜努三幣十端銀二百五十兩五月兼署正黃旗滿洲副都統八月授右翼前鋒統領二

滿洲各臣傳

卷四十六

四



清史稿卷四十一  
十七年正月授廂藍旂蒙古都統兼武備院  
事五月兼上駟院卿十月

命在阿哥總詣達上行走三十年授領侍衛  
內大臣三十一年五月管健銳營三十二年  
十月署正黃旂護軍統領三十三年授  
御前大臣三十五年五月

命紫禁城內騎馬三十八年十月調正藍旂  
滿洲都統四十三年十一月卒

諭曰努三內廷行走多年甚屬出力今聞溘

逝深為軫念着施恩派散秩大臣一員帶領

侍衛十人往奠茶酒仍賞銀三百兩辦理喪

事應得卹典察例具奏

賜祭葬如例諡恪靖子依什策楞襲病故襲  
次已完停襲

彰寶列傳

彰寶滿洲廂黃旂人姓鄂謨托氏乾隆十三  
年由繼譯舉人授內閣中書十八年十月授  
江蘇淮安府海防同知二十一年遷徐州府



知府二十二年署直隸口北道二十三年調  
甘肅平慶道尋

詔留口北道任二十四年遷貴州按察使二  
十五年七月遷湖南布政使十月調江蘇二  
十六年調江寧兼管織造關稅三十年正月  
擢山西巡撫時蘇州府同知段成功詐贓事  
發

上聞成功在山西陽曲縣任內虧帑上司代  
為彌補

諭彰寶詳查三十一年二月彰寶以成功虧  
空離任時徐溝等三十二州縣代交萬六千  
七百有奇巡撫和其衷給五百兩布政使文  
綬等俱知情覆奏

命革和其衷文綬及按察使藍欽奎前任冀  
寧道富勒渾前任太原府知府劉墉職

命侍郎四達會同彰寶嚴審鞫寔和其衷段  
成功論斬文綬劉墉免死發往軍臺効力代  
交州縣分別降革藍欽奎富勒渾已革職應

補州各官傳 卷四十一



毋庸議四月疏言州縣倉庫完鑰自捺平糶穀價採買盈餘及寄貯暫發等項不入正項盤查易啓那動情事不若提入司庫使州縣有徵解錢糧之責無久貯錢糧之弊

俞旨報聞十二月歸化城同知珠隆阿推陞員外郎彰寶各部請留大學士傅恒等劾奏上責彰寶狗庇下部議革職

詔留任初察哈爾右翼牧廠有餘地屬山西豐鎮廳彰寶同直隸總督方觀承察哈爾都

統色爾品會勘可墾者二萬三千餘頃三十一年六月彰寶言游牧舊廠東西廣二百餘里南毗連民地北至海牧界廣十數里至四十五里不等平蕪廣衍土厚地肥卽山坡澗側亦可節取耕種迤東尤肥澤五頃劃爲一分分給五人百畝現認墾萬九千五百六十頃零臣擬就佃民聚居設村莊八十餘俾就近安耕豐鎮廳屬高廟子原巡檢轄迤東一帶增設巡檢一轄迤西其北界毗連蒙古



游牧處築垣鑿塹以別經界新設村莊十餘里建汛房一撥戍兵五適中駐守備一總轄抹防疏入

報聞三十二年三月疏劾太原鎮標中軍遊擊盧武畧於新鎮臣台布莅任前假修署札派各營銀署總兵敬善欲過之始退還又於台布閱城兩次備入轎台布亦即乘坐詔革武畧職台布撤還員缺即以敬善補授先是安邑知縣馮兆觀揭河東鹽政達色派

累商人及受贊禮門包三十三年正月

命侍郎四達會彰寶審寔併得運使吳雲從因被四達糾參奏馮兆觀揭稟狀達色論死雲從兆觀治罪如律是月彰寶調山東巡撫二月調江蘇六月兩淮鹽政尤拔世奏繳本年提引徵銀

諭曰此項銀兩歷來鹽政並未奏明顯有朦混侵蝕情弊且自乾隆十一年提引之後每年二十萬至四十萬不等以每引三兩計應



有千餘萬兩着彭寶會同尤拔世詳查尋查  
得前任監政高恒普福運使盧見曾藉端侵  
肥狀俱伏法又得前任監掣同知楊重英勒  
詐商銀事論如律十二月兼署兩江總督三  
十四年正月奏言前無臣明德奏將松江糧  
道移蘓州該道向駐常熟距不百里海驢門  
戶用資彈壓應毋庸移  
詔可三月丁母憂六月  
命馳驛往雲南署理巡撫時大兵進勦迺匪

九月署雲貴總督明德奏彰寶抵永昌督運  
軍糧增數倍

詔議敘加一級十月

諭曰彰寶簡用巡撫甫經到滇卽赴永昌騰  
越一帶催督軍儲甚爲奮勉卽着署理雲貴  
總督尋

命駐劄老官屯籌辦軍務三十五年正月

諭曰彰寶甫到滇省辦糧馬諸務俱能安速  
經理及擢用總督以來亦頗寔心任事着加



太子太保以示優獎四月疏言永昌沿邊綿  
亘千餘里山深徑僻在在可通應於土司內  
曩宋開緬箐山隴川龍陵姚關及順寧府之  
窺篋橋諸阨要處設總卡撥千把總各一兵  
三十駐劄巡查現留土司之漢奸飭查勒回  
籍併行十家連環互保法  
詔寔力督率五月奏貴州調撥兵間有老弱  
現加甄汰

堪難期振作黔兵較爲得力因諭令募選赴  
滇卽挑補額缺可資訓練乃其中仍有老弱  
無用之人是與滇兵何異彰寶身爲總督兩  
省皆係所轄旣見有此充數之兵卽應一面  
奏聞一面將原辦大員據寔附參乃僅視同  
尋常以甄別汰除爲詞並無一言劾奏甚屬  
因循姑息彰寶着交部議處尋部議革任  
詔免十二月疏言沿邊永昌順寧二府生齒  
日繁米價踴貴常平倉貯無多不能因時平

滿州名臣傳

卷四十一



耀倘遇急需勢必遠購更多糜費請於保山騰越二州縣加貯穀二萬石龍陵廳六千石永平縣八千石順寧府萬石雲龍州六千石緬寧廳三千四百石

詔如所請三十六年再請保山縣增貯穀三萬石騰越州二萬石龍陵廳萬石

報聞三十七年奏雲南巡撫諾木親才識不能展拓兵制營伍皆未校閱

上召諾木親還三十八年三月奏獲逃兵楊

先榮審係頂冒各部請示部覆照例辦

上曰隨征兵丁借名頂冒已犯欺公之罪至中途又棄械潛遁較之正身脫逃則尤罪上加罪一經拏獲自應速正典刑揆之情法更無疑義乃彰寶轉以非係正犯游移其詞咨請部示該督係專辦督緝之人且屢經諭令上緊偵探毋任久稽顯戮今於已獲重犯心存寬縱若此無怪滇省逃兵歷年未獲者尙多至一百五十餘名皆此等姑息之惡習有



以釀成之也該督向來尙能辦事何以近來  
憤憤至此令其自行議罪尋彭寶自請罰銀  
萬兩

命寬免四月奏車里宣慰土司刁維屏逃匿  
請裁土餼設專營

諭曰所見甚是車里土司設立之初原因其  
率土投誠授以宣慰之職遞傳四輩前此莽  
匪之擾該土司刁紹文懦弱無能躲避獲罪  
雖經革退仍令其子承襲已屬格外施恩今

刁維屏無故棄地潛逃寔係自行滅絕斷不  
應令其再襲並據該督查十二猛各土司職  
俱非頒給印信號紙土司若於此內選擇一  
人陞襲未必遠肯受其鈐制自應將車里宣  
慰土司卽行裁汰改設專營移駐都司等官  
帶兵鎮守兼轄十二土弁於邊境夷情更爲  
得要至該土司所屬夷民或有仿照川省屯  
兵之例量給口糧令其一体當差伊等自必  
共知感奮出力應行事宜着彭寶詳悉妥議



具奏七月彰寶議於九龍江立專營設都司  
一中軍守備一馬步兵五百分左右哨哨設  
千總一把總二經制外委千總一外委把總  
二歸普洱鎮轄裁景蒙元江二營兵補新營  
裁景蒙營守備一為新設都司裁元江營守  
備一為新設守備再裁兩營千總一把總四  
外委千把總五補兩哨仍增設千總一外委  
千總一土司舊屬夷民內選土練五百為屯  
兵土司私莊八改屯田設百戶五於叭目內

擇充皆議行

欽定營名曰普安十一月寔授雲貴總督三  
十九年三月彰寶奏患病

溫旨慰問並

遣侍衛隆安帶太醫馳往診視五月請解任  
允之十一月署總督圖思德劾彰寶勒索保  
山知縣王錫供應銀四萬餘兩致虧空兵糧  
上命侍郎袁守侗馳驛往查併  
勅雲南巡撫李湖回奏得實



滿洲名臣傳卷四十一  
三  
詔革彭寶職拏交刑部擬斬監候四十二年  
故

吳達善列傳

吳達善滿洲正紅旗人姓仄勒佳氏乾隆元  
年進士授戶部主事六年遷員外郎十三年  
遷國子監祭酒十五年六月遷光祿寺卿十  
二月擢內閣學士十七年授  
盛京禮部侍郎尋調刑部十八年調兵部侍  
郎十九年調工部侍郎兼廂紅旗滿洲副都

統二十年五月授甘肅巡撫七月以查辦軍  
莖無誤軍功加一級二十一年  
諭獎其宣力軍營

賞戴孔雀翎二十二年議敘軍功加一級二  
十三年六月疏言軍糧由肅州運至哈密轉  
運軍營每石需費十二三兩向來凱旋官兵  
鹽菜口糧長支者按口抵扣少領者按日補  
給兵丁藉以糶賣製辦衣履請嗣後酌以二  
成本色八成折價支給既得隨時支用亦可



稍省運費下部議行七月加太子少保二十四年正月授陝甘總督四月

命以總督銜管甘肅巡撫事十一月奏言寧

夏府屬橫城堡濱河漲塌西南角樓墻垣請

于東岸築草垣以禦河流域下堆碎石六十

四丈護城垣接修草垣防風三十餘丈切西

岸游嘴伸大溜北行庶可化險為平

詔如所議行十二月調河南巡撫二十六年

四月奏改營制四條一延津縣向設千總一

隸開封營封邱縣駐衛輝營外委把總一查

延津現屬衛輝府封邱縣屬開封府請撤協

防封邱之外委把總回衛輝營移原駐延津

之開封營千總駐封邱兼防陽武縣為專汛

歸開封營都司轄移衛輝營千總一駐延津

為專汛歸衛輝營參將轄一胙城係新鄉縣

專汛今延津既撥衛輝營千總移駐巡防請

仍將胙城外委為協防以延津千總為胙城

專汛一王祿營駐劄榮澤向設守備一馬步

河南名臣傳 卷四十一 五十二



兵百三十應改歸河北鎮標中軍兼轄改原  
武汛外委把總爲王祿營協防同榮澤獲嘉  
二縣均以王祿營守備爲專汛歸河北鎮遊  
擊兼管一盧氏縣汛屬嵩縣營守備轄河南  
府叅將兼轄請移嵩縣城守備駐伏牛山之  
孫家店移陝州營協防靈寶縣之外委千總  
一陝州營馬兵三步兵二十二駐盧氏歸陝  
州都司兼轄其嵩縣營原設盧氏汛把總馬  
步兵撥歸孫家店營守備轄下部議行四月

調雲貴總督二十七年二月奏言滇黔各標  
協營每兵千設藤牌兵百提督撫標兵多藤  
牌兵尙成隊伍至各鎮協營兵有分防汛守  
及護解餉鞘等差藤牌兵少又不適用請以  
七成改烏鎗手三成改弓箭手部議從之六  
月兼署雲南巡撫二十九年六月奏言貴州  
都勻協銅仁協兵馬錢糧向無專司中軍請  
裁都勻協分防獨山州之右營遊擊改設中  
軍都司兼管左營事隨都勻協副將同往都



海沙各目在 卷四十一  
勻府城移左營守備駐獨山汛更入寨左營  
遊擊名右營以符營制裁銅仁協駐府城之  
左營遊擊改設中軍都司兼管右營事裁銅  
仁協副將駐松桃其原駐松桃之左營守備  
應移駐銅仁府城部議從之是月調湖廣總  
督七月兼署湖北巡撫三十一年二月調陝  
甘總督十二月奏言木壘一帶地廣沃請將  
招集戶民編里一里分十甲每里選里長一  
每百戶選渠長鄉約保正各一以資鈐束戶

民墾地請均勻丈撥凡訟獄各案由守備審  
理命盜案守備驗寔訊供巴里同知審擬招  
解從之三十二年調湖廣總督三十四年十  
月

命赴貴州同

欽差內閣學士富察善侍郎錢維城等會鞫  
威寧知州劉標虧空銅本並巡撫良卿按察  
使高積營私讞法案得寔論罪如律三十五  
年兼署湖南巡撫三十六年四月調陝甘總



清史稿卷四十八  
督時土爾扈特全部歸順

諭賞給羊隻皮衣吳達善辦理妥速議敘加一級十月卒

諭曰陝甘總督吳達善久在封疆老成練達近於陝甘任內辦理諸務更見周詳妥協茲聞溘逝深為軫惜着加恩晉贈太子太保入祀賢良祠應得卹典該部察例具奏賜祭葬如例諡勤毅

范時綬列傳

范時綬漢軍廂黃旗人大學士文程孫雍正十年由筆帖式補戶部主事累遷郎中乾隆十三年授山東濟東泰武道十五年遷安徽按察使十六年五月遷湖北布政使十月署湖南巡撫十七年九月疏言湖南常平倉穀廷議照雍正年間除額存七十萬二千餘石尙溢五十五萬餘石前撫臣開泰奏准以三十萬石另案存貯備鄰省及本省賑恤以二十五萬石糶價存公上年撥穀一十萬石協



濟安徵應俟解還糶價日買補惟是湖南上年歉收平糶之穀及本年減價糶濟之穀均應籌補若再將撥運安省穀同時買補民貯必少查湖南應糶溢穀尙存二十萬石請以十萬石撥補協濟安省原額餘穀十萬石一併歸入另案存貯其安省解到糶價歸藩庫報部撥用

上嘉之十月疏言城步江華綏寧三縣苗疆要缺沅江縣瀕洞庭湖臨湘地當孔道向給

養廉六百兩辦公不敷請於地僻事簡之醴陵平江二縣各酌減養廉二百兩武岡州安仁新化石門慈利永定等縣各酌減一百兩分增城步等五縣養廉疏入

報聞十八年九月疏言鳳凰廳舊貯穀萬石建倉石羊哨地方兵民借糶以山路維艱又倉廩不敷現貯穀七千石缺額三千石未經買補而鎮筸鎮土苗雜處並無積貯請將應買額穀三千石於鎮筸鎮建倉存貯支領較



便得

旨俞允又疏言長沙等處未報陞科田畝已  
委員丈量照例起徵湘陰益陽等縣續查出  
私墾千餘頃均瀕洞庭旱歲間獲收成一遇  
水漲呼賑籲免無補正供請照峯頂湖澤之  
隙聽民耕種例暫免陞科俟成腴壤日起徵  
至洞庭爲受水之區私墾日增則水口日逼  
上流受害已飭將垸田碍水道者勸諭拆毀  
存案嚴禁添築俾水得暢流

報聞是月調江西巡撫十九年以病疏請解  
任

諭留任調理二十年二月

上以巡撫任重事繁恐時綏精力未充致滋  
貽悞

命來京

陛見旋以病免二十一年十一月起授戶部  
侍郎二十二年授正黃旗漢軍副都統二十  
三年七月署正白旗滿洲都統十月奏請赴



西路屯田効力

賞戴花翎馳驛前往二十四年八月副都統  
定長劾奏副都統滿泰貪婪敗檢及時綬役  
兵漁利狀

命御前侍衛安泰往會審訊滿泰貪婪屬寔  
時綬家人藉端營利時綬不知情所開店房  
用官匠一餘皆自雇並未役兵

諭曰滿泰情罪確寔已命於該處正法范時  
綬係特差辦事之人理應潔已奉公乃營私

求利卽治以重罪亦所應得但較之滿泰尙  
可少從末減著革職交與定長令其効力贖  
罪二十五年由關展運羊至阿克蘇

賞叅領銜二十六年六月由烏魯木齊運羊  
至伊犁並懇辦送回空駝隻後仍赴伊犁効  
力

諭曰范時綬前因解送阿克蘇羊隻妥協曾  
賞叅領職銜此次更屬奮勉着加恩授頭等  
侍衛烏魯木齊亦有應辦事務仍在原處行



走不必又往伊犁二十八年

詔回京二十九年授廂藍旂漢軍副都統三十年閏二月授吏部侍郎六月往哈爾沙爾辦事三十一年正月授左都御史仍留辦哈爾沙爾事三十二年五月授湖北巡撫十二月

召見

上以時綬奏對時神氣短弱恐於封疆重寄難任煩勞

命留京另用三十三年三月授正白旂漢軍都統六月授左都御史三十四年補公中佐領三十五年閏五月授工部尙書三十六年二年調刑部尙書十月

命專辦正白旂漢軍都統事務四十七年卒子宜恒現官正藍旂漢軍副都統署工部侍郎

珠爾格德列傳

珠爾格德吉林滿洲正白旗人姓鈕祜祿氏



乾隆三十三年授前鋒校三十七年授

乾清門三等侍衛三十八年

命赴金川軍營三十九年三月隨忝贊奎林  
攻斯第奎林中飛石仍力聞有兩賊握刀突  
至珠爾格德運矢斃之餘賊逸

詔授頭等侍衛給扎克博巴圖魯號八月攻  
俄坡第二碉賊於碉後穴地聚守倉猝不及  
施鎗石咸逸去珠爾格德等追擊之

上嘉其奮勉大兵旣取木克什據水卡斷賊

汲道設伏以待賊二百餘冒霧分路來犯我  
守碉土兵發鎗拒伏兵踵至別有賊百餘自  
山下擾珠爾格德衝入賊隊手刃三人九月  
攻取木克什山下三碉十月與都統和隆武  
等襲取日旁山後戰碉十餘座平碉二百餘  
間日旁去勒烏圍近東接谷爾提賊碉寨相  
望爲後路必爭地復與和隆武乘夜攻據之  
十二月授正紅旂蒙古副都統四十年四月  
攻取達爾圖以下得楞以南各碉七月師至



滿洲名臣傳 卷四十八  
石真噶珠爾格德等攻拔石城戰礮二木城  
一夾攻丹扎木各寨焚之乘勝登扎烏古山  
梁迎勦賊援兵賊目負箭傷走八月賊棄克  
爾瑪礮寨遁我兵追殺至曲碩木官寨九月  
奎林率兵攻什扎古珠爾格德與和隆武設  
伏琅谷奎林兵至奮勇夾擊獲木城一閭十  
月進攻扎烏古山梁克賊礮四卡八自日斯  
滿至巴扎木賊恃其地險礮多在山梁拒守  
珠爾格德與和隆武分兵進一由山梁上攻

一由箐內繞截連克賊礮十七接通甲索一  
路官兵曲碩木一帶俱望風焚寨落遁有達  
撒谷山者賊列寨嚴守珠爾格德等分兵一  
攻旁卡一取中寨擲火彈摧其垣賊壓斃無  
算遂進克乃當獨松卡拉爾舍斯滿番眾悉  
降四十一年四月凱旋

賜銀幣



命圖形

紫光閣



滿洲名臣傳卷四十八

御製贊曰奎林深天賊兩將及發矢斃之險  
中救急同心合力共集大勲寫圖旌壯惇史  
流芬四十四年卒



滿洲名臣傳卷四十八終

天保三



